

Romana Magisterij.

Eñe, & Rñe Dñe. S Vpplicat P. Fabri Principalis se admitti ad nouum examen, illudque committi extra propriam Religionem Personis huic Sac. Congregationi benenifis, & in vtroque videtur exaudiendus.

Quantum enim respicit admissionem ad nouum examen, cum idem Principalis à mala Examinatorum suæ Religionis relatione appellauerit, quod facere potuisse relatis resolutionibus Sac. Congregationis Concilij notat *Fagnan. in cap. Cum sit ars à uum. 50. de etat. & qualitat. Nouar. in summar. Bullar. par. 2. tit. de concurs. ad Paroch. num. 26. in fin. Barbof. in summ. Apostol. Decis. in verb. appellatio. num. 9. & in adnotat. ad Concil. sess. 7. de reform. cap. 13. num. 26. & dixit Rot. coram Coccin. decis. 682. sub num. 1. coram Ludouif. decis. 515. num. 2. & decis. 538. num. 1. utique ad docendum de grauamine suæ reiectionis, arceri non debet à nouo proprio litterature experimento: modus namque optimus probandi scientiam examinari alias reiecti, & grauen illatum ab Examinatoribus est nouum examen, ut per hæc verba in fortioribus terminis eius, qui ter fuerat reiectus, respondit *Rot. coram Merlin. decis. 159. num. 10. coram Pamphil. decis. 563. sub num. 2. & decis. 591. num. 4. coram Peuting. decis. 263. num. 3. & 4. & notat Adden. ad Ludouif. dicta decis. 515. litt. A. in fin.* ac nuper disputato formiter articulo de eo qui bis fuerat ab examinatoribus Urbis reiectus firmavit *Rota in Syracusana Præpositura 25. Iunij 1697. S. Moti ex eo, coram R. P. D. Muto, ut in particula Summario num. 4.**

Facilius animaduertendo ad duplicem, & quidem peculiarem facti circumstantiam, Alteram, quod Principalis à Reuerendissimo Patre Generali accersitus è Prouincia Apuliæ, statim ac ad Urbem peruenit licet fatigatus longo itinere quindecim, & ultra dierum, nimia festinatione nulla interposita quiete fuit ad examen vocatus, quando è contra pluribus alijs Religiosis ad similem effectum subeundi examinis à Vicinioribus locis accersitis concessa fuerat post eorum aduentum decem, & ultra dierum interpolatio, ac requies, adeout quando etiam per hypothesim subsisteret, Principalem examini plenariè non satisfecisse, id potius quam illitteraturæ,tribuendum foret lassitudini, & forsan terrori concepto ex graui examinatorum aspectu, prout ad effectum concedendi quartum examen ponderauit *Rota coram Merlin. dicta decis. 159. num. 9. & 12.*

Alteram, quod Reuerendissimus Pater Generalis Aduersarius in examine Patris Fabri contentus non fuit sola præsentia, quam in aliorum Religiosorum examine vnicè præstiterat, sed proprium animum parefecit se velle circa eius idoneitatem suffragari, prout de facto primus omnium suffragium tulit, eumque inhabilem renunciauit: Undè facilius moueri debemus ad credendum, quod

ex hac nunquam vſitata diligentia, Principalis fuerit terrore percuffus, quod & diſertiffimis ac Veteranis Oratoribus aliquando contigiffe referunt *Plinius lib. 6. Epift. 29. & Seneca epift. 11. & Rot. coram Merlin. diſta decif. 159. num. 12. & in diſta Syracuſana Præpoſitura 26. Junij 1697. S. Idque facilius coram R. P. D. Muto, vt in particula.*

Indeque fit vt ponderatis huiusmodi circumſtantijs minimè licere debeat, Principalis inſcitiam ex vnico examine arguere, cum ſcientiæ argumentum non ex vno, vel altero experimento deſumi poſſe indicet *Text. in proem. inſtitut. S. Cum hoc. ibi = Solertiam, & rerum ſcientiam ex multis rerum argumentis accepimus ex quo Textu notat Aldobrandin. ſuper inſtitut. eodem loco num. 16. non poſſe quempiam ex vnico actu doctum Iudicari. Sic Atletæ tunc approbati dicuntur, quando tres in arena victorias obtinuerunt, per *Text. in l. 1. C. de Atlet. lib. 10. ex qua lege notat Bartol. num. 2. in Paleſtra litteraria tertium examen eſſe ſubeundum, & Angelus, ac Ioannes de Platea referunt ortam conſuetudinem, vt quis tertio examineretur.**

Idque vidimus etiam plures ab hac Sac. Congregatione ſeruari, & ſignanter de anno 1682. In Cauſa quinque Collegialium ſtudentium in Religione Seruorum S. Marcelli de Vrbe, quibus aspirantibus ad Regentiæ munus, & hac de Cauſa Examine expoſitis, cum prodieſſet ab Examinatoribus reprobatio, Sac. Congregatio ipsis reclamantibus reſcripſit, quod quatenus reſponſiones ipsis data in examine recognoſcerentur minùs ſufficientes, fieret nouum per Examinatores deputan. à clar. mem. *Card. de Lauræa extra Religionum Seruorum, vt in noſtro Summ. num. 3.*

Hæc autem, quæ indiſtinctè procedunt, certò certius locum ſibi vindicant in hypotheſi, qua conſtat Principalem viginem ſex ab hinc annis Religioſum, & vitæ ſemper exemplaris, poſt nauatam Philoſophiæ operam ſpatio quatuor annorum, & ſucceſſiuè Sacræ Theologiæ in quatuordecim annorum curriculo, ac demum reportatam præuio rigoroſo examine approbationem ad gradum Regentis, *vt in Summ. num. 1. plura deinde propriæ Doctrinæ Teſtimonia, & quidem publica dediffe tum docendo Theologiam in Cathedris Sueſſanen. tum præſidendo ſeptem publicis conſluſionibus Theologicis in qualitate Magiſtri Regentis vt in d. Summ. num. 2. adeout nuper ſequuta reprobatio, niſi aliud dicere liceat, tribuenda ſit nimio rigori illorum quatuor Examinatorum, qui vt morem gererent Reuerendiſs. Aduerſario forſan pro inhabilitate reſponderunt, etiam ſi alijs duo, nempe P. Proc. Generalis totius Ordinis, & P. Gauardus publicus, & emeritus Sac. Theologiæ Lector in Almæ Urbis Archigimnaſio Principalem idoneum ludicauerint, quam circumſtanciam ad effectum facilius admittendi nouum examen animaduertit *Rot. in d. Syracuſana Præpoſitura S. Idque facilius coram R. P. D. Muto, vt in particula.**

Et ſanè imperceptibile redditur, quod P. Fabri quinque ab hinc retro annis reputatus fuerit tali Doctrina prædictus, vt poſſet ad munus

nus regentis studiorum promoueri, & sic destinari in Religiosorum studentium Magistrum, & è contra modo, postquam iunctum sibi munus quinquennio feliciter expleuit, adeo ignarus euaserit, vt suorum laborum præmium nempe lauream Magistralem minimè promereatur, cum tamen is eligi debeat Magister, qui in se laudabilem vitam probis moribus monstrauerit, & docendi Peritiā, facundiam dicendi, interpretandique subtilitatem, & copiam disferendi se habere patefecerit sunt verba *glos. in proem. institut. S. Cumque hoc sub litt. H. verb. eligendus est enim, & habilitas semel acquisita inhereat menti, & animo, & actus scientifici sint ad instar formæ quæ imprimitur stabilis in intellectu, neque deletur nisi organa illius corrumpantur* sunt verba *Rota in decis. 175. sub num. 9. cum seqq. par. 18. rec.* quam in his terminis refert, ac sequitur *d. Syracusana Præpositura sub d. S. Idque facilius coram R. P. D. Muto.*

Veritatem hanc agnoscens ipsemet P. Generalis Aduersarius, vt se excuset à denegatione secundi examinis allegat in Informatione huic Sacræ Congregationi exhibita *§. In oltre*, quod sicut ipse poterat non vocare principalem ad primum examen, ita potuit eum reprobatum ad secundum non admittere. At friuola est excusatio, & argumentum nimis probat dum supponit adeo liberam, & semper absolutam Generalis facultatem, vt sicuti poterat non examinare, ita possit reijcere, ac ita possit etiam approbatum non laureare, quod est absurdum quidquid enim sit an in eius facultate positum esset magis vnum Regentem quam alterum ad examen vocandi, licitum tamen non erat vocatum reijcere, quoties idoneus extitisset, quia licet actus vocationis ad examen esset P. Generali facultatiuus, eo tamen sequuto Ius tale quæsitum fuit examinato, vt nequeat esse amplius facultatiua electio in Magistrum, quam examen expectat post se, ac sit necessaria quia facultatem habens faciendi at non faciendi si faciat censetur facultati renunciasse iuxta firmata per *Rot. in Pisauren. Tutely, seu Spolij 29. Martij 1683. §. Nec suffragari coram bo. me. Albergato.* Quo circa redire debemus ad principium an P. Fabri fuerit iuste rebrobat in examine necne, quod alias quam mediante secundo examine certum fieri non potest ex auctoritatibus supra allegatis in *§. Primo* quibus addi potest *Pignatell. consultat. Canon. tom. 4. consultat. 149. sub num. 5. cum seqq.*

Stabilito ex præmissis locū esse secundo examini facilius exaudientur Principalis in altera Dubij parte, vt nempe istud extra Religionem committatur; Durum quippe nimis foret, vt idem Principalis cogeretur eorum subire Iudicium, quod sibi contrarium in priori examine fuit expertus, vt ex auctoritate *Vener. in exam. Episc. lib. 4. cap. 45. n. 40. & Garz. de benef. par. 9. cap. 2. n. 245. in fin.* respondit *Rot. in d. Syracusana Præpositura §. Firmata ex his cor. R. P. D. Muto, vt in particula.*

Nec est cur opponatur totius Ordinis Religiosi reuolutio ex commissione noui examinis extra Religionem; Siquidem Ius non patitur,
vt

ut P. Fabri eos habere debeat Iudices, à quorum Iudicio appellauit, & de quibus multò magis suspicari licet in presenti ob litem, quæ in hac Sac. Congregatione discutitur, in qua de relatione Examinatorum conqueri oportet, & de facto nullo habito respectu ad huiusmodi exaggeratam reuolutionem ista met Sac. Congregatio in Causa Collegialium Religionis Seruorum de anno 1682. nouum examen commisit extra Religionem d. nostro Summ. nu. 3. & Sac. Rota in d. Syracusana Præpositura commisit Reuerendiss. Decano, & R. P. D. Muto tertium examen eius, qui bis fuerat reprobatus ab Examinatoribus Urbis, ut in fine decis. quæ datur in particula.

Minus urget aliud obiectum in eadem Informatione P. Generalis promotum, quod cum Examinatores propriæ Religionis sint notæ probitatis, ac Doctrinæ præsumen. sit Principalem non alias, quam ex propria incitua fuisse reprobatum.

Duplex namque occurrit responsio. Altera quod huiusmodi præsumptio probitatis militat in quibuscumque Examinatoribus, & tamen passim illorum loco alij subrogantur ad perscrutandam iniustitiam reiectionis: Altera quod ex nostris Examinatoribus duo & quidem notæ probitatis, ac doctrinæ suffragium dederunt pro admissione Principalis, vnde an isti, vel alij iniuste Iudicauerint, recognoscent. ij. quibus hæc Sac. Congregatio nouum examen committere dignabitur.

Quare &c.

Thomas Antamorus Aduoc.

SACRA CONGREGATIONE
Episcoporum, & Regu-
larium

Eño, & Rño Dño Card.

GABRIEL LIO
Romana Magisterij.

P R O

R. P. Regente Gregorio Fabri.

C O N T R A
Reuerendiss. Patrem Generalem Ord.
Eremitani S. Augustini.

Iuris.

Romæ, Typis Reu. Cam. Apost. 1703.
Superiorum permissu.